

2 Timoti

Pas yimbu Por ai Timotimbo sürü papimarandi

Por ai Timotimbo pas sürü papimarandi

¹ Ro Por-anahî. God ai ahandîhoarî Sisas Kraisîndî hoafî semîndî horambo kamafoareandîrî. God ai wambo nindou Sisas Kraisîmbo anîhondümborîhinda yangîrî koadürü nîngoweimbi saimbo horombo hoafîmareandî ranahambo wataporîmboyorambohünda koamarîhendîrî.

² Timoti, se wandî nîmorî hondü nahurai-anafî, ro sîhambo pas nda sürü paparîhandî. Ape God asu sîhefî Adükarî Sisas Krais ai sîhambo aboedî hohohanîmo-ndînanînühi hîpoambondîneanîna ngusüfoambe afure kümbearamboane.

Sîhîrî yowanî aboedî hoafî hoafîmbo amoanîngîyopoanî

³ Ro Godîndî hîmboahü hûti-koate ahandî ratüpurî ratüpurîya arîhandî wandî amoaomamî amboanî ranî-sünguarîhindî nou. Ro sîrîhü asu nîmbokoanî sîhambo hohohanîmoyahanînühi Godîmbo hîhîfîrîhünühî dîdîbafîyaheando arîhandî.

⁴ Asu se wambohünda aranîmayafî ranîmbo hohohanîmoyahanînühi ro sîhambo hoeifenînimbo afîndî hohohanîmoayahî. Ro asükai hoeindîheanînühi rananîmbo hîhîfîhîhîfî-ndamboyahî.

⁵ Ro sɪhafi Kraismbo anihondũbofe hondũ ranahambo asũkai hohoanimoayahɪ. Sɪhafi asari Rois asu sɪhafi me Yunis ai weyangurũhi anihondũborine marɪnandi, ŋga ro yarthe anihondũbo-artheandi sɪhafi anihondũbofe hohoanimo amboa ahafe nahurai-ane.

⁶ Ranimbo-hũdamboane sɪhafi hohoanimo botariheanini. Ro wandɪ warɪ sɪhafi mbɪrowamɪ manandiheandi ra God ai sɪhambo ranipoanimo ŋɛnɪndɪ masaganini. Rananimbo sɪhafi ŋɛnɪndɪ ranai hai pipirowanda ahoro nahuraimbeyowa sahehea.

⁷ Sapo God ai sɪhefimbo Yifiafi masemuni ra yihimbo saiyamuni-randeimbi-yopoani, ŋga wani. Yifiafi ranana sɪhefimbo ŋɛnɪmɪndɪmunani nindou ŋgorũmbo ŋgusũfo pefe asu sɪhefi hohoanimo ndofe hɪfandɪmboyo hohoanimo ra masemuni.

⁸ Ranimbo-hũdamboane se sɪhefi Adũkarɪndɪ hoafi hoafimbo amoanɪŋɛ-ndamboyafi. Asu se wambo amoanɪŋɛ-ndamboyafi, ŋga ro ahandɪ ratũpurɪ-mbohũnda karabusɪ-meheand-ane. Ŋga se Godɪndɪ-mayo ŋɛnɪndɪ ranɪnambo Aboedɪ hoafi bokari-hefemboghũnda rodibo tɪŋɪrifondemboane. God ai ranimbo-hũdamboyo ŋɛnɪndɪ sayamuni arandi.

⁹ Asu ai aboedamboreamuni mbura ahandɪ sũrũhoeimbi nindoumbore kafoare hɪnɪŋɪmareamuni. Ai ramareandi ra sɪhɪri aboedɪ hohoanimo-mayefamboyopoani, ŋga wani. Ŋga ranana horombo hondũ God ai hifi sũnũ nafɪ-koateyu-ambeyo Kraisɪndɪ sũŋgu aboedɪ hohoanimo-memuna ahandɪ nindoumboyahu tũkũmehundi.

10 Nga asu hapondani ana Sisas Krais sihefimbo aboedambo-reamuneimbi ranai ndeara weindahi tükufimboani. Asu ahandi ratüpurü süngu Godindi nindoumbo aboedi hohoanimo amboani weindahi tükufemboane. Sisas Krais ai yifindi nginindi hifinambo-mareanda yifi ai nginindikoate-ane. Asu ahandi aboedi hoafi raninambo munguambo nindou ai yifikoate yangiri koadürümbo-koadürümbo ninngombo ra weindahi-mareandi.

11 Ai wambo kamafoareandiri aboedi hoafi wataporimboyo, Kraisindi hoafi semindi ho, asu nindoumbo Godindi hohoanimo yamundi fe raraombohünda.

12 Ro tinjirifo asahamindihhi aboedi hoafi hoafiya arihandi ranimbo-hünda, nga rana-hambo ro moai amoaningiyahi. Sapo ro Nindou anihondümbo-arihin ahambo fifirihin. Asu ro fifirihendi ai wambo rani ratüpurü masendi ra hibada ngumbo Sisasindi adükari si ra tükündifemboe.

13 Ro yamundi-marihendi himborimayafi ra aboedi sisami nahurai-ane asu se mamihayurai nindoumbo yamundowandüri ndandi. Ranimboane se Sisas Kraisimbo anihondümbo-ndiworühi ngusüfo pandoworühi asu rani-hoafi yamundo ndandi.

14 God ai aboedi hoafi sihafih warihümareandi ra aboedi moatükun-ane, nga se wudipoapondo hibadandi. Yifiafi Aboedi sihefi fiambe amaro ranai fandiheninimboe rani ratüpurü ra hifandimbohünda.

15 Se fifirowandi munguambo nindou Esia hifihündi ai wambo hininngi-marihindiri. Asu

Figerus weimbo Hemogenes amboani hiniŋgi-marineandiri.

¹⁶ Ro didibafeheandi Adükari ai Onesiforus ahandi aborüdi babidimbo hipoambo-mbireandür-amboane. Ai wambo karabusambeni yahu amoaniŋgikoate süni hoeireandiri randani ŋgusüfo aboedi kürihe mamarhi.

¹⁷ Ai süfumbo Romohü wambo tiri+foyuhü kokorandiri+ambo asu sünguna hoeimareandiri.

¹⁸ Ro didibafeheandi Adükari ai Godindi yibobofe si tükufe simboani hipoambo-mbirir-amboane. Se fifirowandi Onesiforus ai ro Efesusihü karabusiyaha nimarhambe wambo fehefe-ndiri+mböhünda afindi ratüpuriratüpuriyu marandi.

2

Timoti ai Kraisindi ratüpuru wudipoaponde ratüpurimbiyu-wamboane

¹ Asu wandi nimori Timoti, muŋguambo si Sisasindi-mayo aboedi hohoanimo ranai sihambo ŋgini+mbi-ramindin+in-amboane.

² Asu yamundi+fe hoafi ro nindou afindi+yei himboahü wataporimbo-marhandi ra se himborimayafi. Rani hoafi ra nindou Godindi hoafi anihondumbo kikihi-ründimondeimbi ahamundi warihündowapuri. Rananimbo asu ai asukai nindou bidiframbo yamundi-mbirundür-amboane.

³ Se Sisas Krisindi ami aboedi nahuraimbondafo nimbafi. Rananimbo se ro-dibo tiri+fo ra ndahoaminde-mboane.

⁴ Se ami-yomondi ratüpuru fifirowandi, sapa ai amimboyafu ratüpurayomo ra ŋgiri+ ŋgorü

ratüpurî ndowandümo, nga wani. Aiana moani ami ratüpurî rani yangîrî ratüpurî-ndîmondani ahamundi bogorî ai ahamundi ratüpurî ranahambo aboed-ane mbeyahua mbîsîmo hou rani yangîrî ratüpurî-ndîmboemo.

⁵ Asu nindou ai napo semîndîmbo pipî ranambe pipayu ana, pipî ranahandî ahîni ra süngundeandî. Ai ra süngufekoate-ayu ana, ai pipîmayu ranahambo napo semîndîmboayu amboani ngîrî ndemüdu.

⁶ Nindou nümbürambe mangîrî hîfîreandühi tîjîrîfoayu ai-boatei bîdîfîrî sesî ra yimungurî-mbîramüdu-wamboane.

⁷ Hoafî nda ro hoafîmayahîmbo se hohoanîmondafî, nga Adükarî ai sîhafî hohoanîmoambe horîndea-nînimbui. Asu rananîmbo se hoafî ranahandî nîmîndî ra wudîpoapondo fîfîrîndo-wamboayafî.

⁸ Se hohoanîmondafî fîfîrîndowandî Sisas Kraîs yîfîhündî botîmefiyu ranana Defit, Israerî-yafe adükarî bogorîndî sîrambeahînd-ani. Ranîmboane aboedî hoafî ro wataporîmbo-arîhandî ranahambo hoafayahî.

⁹ Ro aboedî hoafî hoafîya marîhandî ranîmboyo nindou ai wambo moaruwai nindou-ani yahomo houmbo mamîkarambo tîjîrîfo saundîrî mburümbö karabusî-marundîrî. Nga Godîndî hoafî ranana ngîrî karabusîndîfeyo.

¹⁰ Ranîmbo-hündamboane ro hohoanîmo ngînîndî kürîheandühi munguambo tîjîrîfo ra asahamîndîhî nindou God ai wand-anei yahündüreimbi ranaheimbo fehefe-ndürîmbohünda. Ranîmboanahî ai-amboani Sisas Kraîs ai aheimbo aboedambo-

ndeandüra ai-dibo koadürümbo-koadürümbo
 hímboamupuimbo-randeimbi kapeihü
 mbiniimboeia sahehea hohoani moayahí.

11 Sihiri hoafi nda anihondümbo-
 ndihumboane:

Sihiri ai-dibo yifayefi ana,
 asukai sihiri ai-dibo yangiri
 nimboemboyefi.

12 Sihiri ai-dibo tiriifo asahumíndefi ana,
 asu sihiri ai-babidimbo bogorimbondahu
 hibadihumboyefi.

Nga asu sihiri ahambo daboadi hihirarihuri ana,
 ai sihefimbo daboadi hihirindi-
 ndeamunümbui.

13 Sihiri ahambo süngufimbo hoafiyefi
 mburihumbo
 asu süngufekoate-ayefi anasi,
 asu aiana ahandi hoafimayu ra
 süngundeambui.

Aiana ngiri ahandi hohoani mo ra ngori-
 süngundeandi, nga wani.

*Timoti ai Godíndi ratüpuríyombo
 tiriifombiyu-wamboane*

14 Se nimorehi nindowenihi ranaheimbo
 rani hoafi ranahambo hoafíndafíndüri nda
 ngafi. Asu Godíndi hímboahü se aheimbo
 ahini hoafíndafíndüri ai ngiri hifinindi
 moatükuni ranahambo hoafinambo simbori-
 simboríndei. Rani-moatükuni ranana
 nindoumbo famandíheiri-poani, nga nindou
 himborayei ranaheimbo moaruwaimbo-
 ndearümboe.

15 Se Godíndi ratüpuríyo-randeimbi
 nindoumbofe tüküfembo tiriifondafi,

rananimo God ai sihafu ratupuri ra aboedane yahombohunda. Rananimo se Godindi ratupuriyafi-randeimbi amoaningikoate-ndafuhi ahandi hoafi wudipoapondo yamundo-wandurimboyafi.

¹⁶ Se Godindi hohoanimo sungufekoate hoafi rani-fikimi ngamboyafi, nga yowanu. Sapo hoafi moaruwai ranai ana nindoumbo Godindi sungufe anguni ndemindinduri ngomboe.

¹⁷ Sapo hoafi ranana masime moaruwai hamindi adukari tukefeyo nahurai-ane, nga rananimo nindoumbo moaruwaimbo-ndeamboe. Sapo Himeneus weimbo Firetus rawefine marinandi nou.

¹⁸ Nindou rahurai aiana hoafi hondu ra hiningirineambo anafandi, sapo ai hoafiyafanduhi safaniya, 'Sihiri ana yifihundi botimayahundane, ranimo wambo asu nguri sunguna yifihundi botindahundi,' safani arinandi. Ranane hoafi ranai bodimondiyafe Godimbo anihondumbofe hohoanimo ra moaruwaimbo-reanduri arandi.

¹⁹ God ai Kraisindi nendi nginemindimbohunda Krai kambohoani nahurai mafondiri. Kambohoani ranifihi suru nda apeningo: 'Adukari ai ahandi nendambo ndore fifireandurimboani.' Asu ngoru suru amboani nda 'Munguambo nindou ai seiya, "Ro Adukarindane fi," asei ranai ana moaruwai hohoanimo ranahambo daboadi hihiri-mburihindamboane.'

²⁰ Adukari worambe gor asu sirfa raninambo hipiri nafiruhi masihendi. Gor sirfa raninambo yangiriyopoani, nga nimi asu

hifi raninambo amboani nafimarihündi. Rani-moatükunî ra bidifirî ranî-poanambo ratüpurimboyo asu bidifirî mamikarambo moatükunî ratüpurimboyo.

²¹ Ranimboane nindou düdi ai ranî mamikarambo hohoanimo ra hinîngireandühi Godîndî himboahü aboedayu ana, ai ranî-poanîmbo ratüpurîmbo hipîrî nahurai nûngumbui. Ai Adükarîndî yangîrî nûnguhü asu ahambo fandîheirühî aboedî ratüpurîmbo yangîrî nafîramîndî nîngo marand-ane.

²² Nga ranimboane se nindou hoarîfambori-yafe moaruwai hohoanimo ranahambo feboawandî. Nga se mbumundî hohoanimo, Godîmbo anîhondümböfe hohoanimo, ngusüfo pefe hohoanimo, ngusüfo afurîfe kife hohoanimo, ranî hohoanimo-anîmbo ndowandîfî. Nindou didîyeyi Godîndî himboahü sürühehi-ndeimbîyeyi asu Adükarîndî ndürînambo didîbafîyahi arîhündî ai se-babîdîmbo ranî hohoanimo süngundîhindî.

²³ Asu se nindou ngusüfo hohoanîmokoate hoafî ngorü-süngu ngorü-süngu-rîhündeimbi ranahei fikîmî ngamboyafî, nga yowanî. Nga se fifîrowandî hoafî yahurai ranana hoafînambo simborî-simborî tüküfe randühane.

²⁴ Asu Adükarîndî ratüpurîyu-randeimbî ana ngîrî hoafînambo simborî-simborîndu, nga wanî. Nga ai nindou munguambo afure hohoanîmoyuhü ndore yamunde-randeimbîyu haya himboari-yangîrî hîfandî-randeimbîmbiyu-wamboane.

²⁵ Adükarîndî ratüpurîyu-randeimbî ai

hĩmboari hoafendĩnduhũ, nindou mamĩ hohoanĩmo sũngufekoate-yeimbĩ ranaheimbo yamundeandũrĩ. Rananĩmbo God ai ahei ŋgusũfoambe hĩhĩrareandũrĩ ana, anĩhondũ yamundĩfe hoafĩ ra hĩmborĩ-ndeimboyei.

²⁶ Nindou yahurai ranana Satan ai aheimbo ahandĩ andũrambe masemũndũndũrĩ ahandĩ hoafĩ sũngufembohũnda. Nga ai hoafĩ hondũ ra fĩfĩrarĩhĩndĩ ana, Satanĩndĩ andũrĩ ra hĩnĩŋgĩrĩhi moanambũhĩ aboedambo tũkũndahimboyei.

3

Bĩdĩfĩranambo si tũkũfeyoambe ana nindou ai moaruwai hohoanĩmo-ndeimboyei

¹ Se fĩfĩrĩhĩndĩ bĩdĩfĩranambo si akĩmĩ tũkũfembo-yoambe ana tĩŋĩrĩfo afĩndĩ tũkũndĩfemboe.

² Nĩmboe sapo nindou ai ahei fimbo yangĩrĩ hohoanĩmondeihĩ, kakĩmbo yangĩrĩ hohoanĩmo pandĩhimboyei. Ai ahei fimbo yangĩrĩ borĩndeihĩ asu ŋgorũ nindoumbo hohoanĩmo-koatendehĩ nindou bodĩmondambo tĩrĩfoefe hoafĩndeihĩ, ŋgĩrĩ ahei boagĩrĩ-yei hoafĩ hĩmborĩndei ndũhũndĩ. Ngĩrĩ nindou ranaheimbo hĩhĩfĩndĩhũndũrĩ asu ai Godĩndĩ hohoanĩmo sũngufekoate-ndeimboyei.

³ Ai ŋgĩrĩ nindou bodĩmondambo hohoanĩmondei asu ŋgĩrĩ nindoumbo amboawiyeyi mbĩsei. Nga ai daboadanĩ nindou ŋgorũmbo amonŋonĩ hoafĩndeimboyei, asu ŋgĩrĩ ahei fi wudĩpoapondĩhi hĩbadĩhũndĩ, nga ai

hiipoambofe-koatendeihî nîne aboedayo ra moaruwaimbo-ndîhimboyei.

4 Asu ai ahei ngunindambo amboanî hohoanîmo-koatendeihî moaruwai moatükunî randîhimboyei. Ai hohoanîmoyo hoeifekoate ratüpuri-ndeimboyei. Ai hohoanîmo-ndeihiya, roana bogorî nindou-aneñî mbîsei hehi Godîmbo hohoanîmokoate hîfî ndanîhündambo hîhîfî-hîhîfî hohoanîmo yangîrî hohoanîmo-ndeimboyei.

5 Ai Godîndî hoafî ra fi yangîrî süngundi-himboyei, nga ahandî ngîndî adükarî engoro ra ngîrî fifîrîndîhindî. Se nindou yahurai ranahei fikîmî ho-poanî, nga yowanî.

6 Nindou yahurai aiana nîmorehî hîhindî hohoanîmoyeimbî moaruwai hohoanîmoyei arîhündî ranahei worînambo ho ahei hohoanîmo ngorü-süngufe hîfandîmbo ranîmboane nafî kokoarundî. Moaruwai hohoanîmo ai ahei ngusüfambe botîreandüra ranî hohoanîmo ra refembo hohoanîmoyei arîhündî.

7 Asu nîmorehî ranai simborî yamundife sahümündî arîhündî, nga ai ngîrî Godîndî anîhondü hohoanîmo ra fifîrîndîhindî.

8 Horombo Sanes weimbo Sambres ai Mosesîndî hoafî daboadi hîhirîmarîneandî ranî-süngumboane hapondanî amboanî anîhondü hoafî ranahambo daboadi hîhirîarundî. Ranane ahamundî hohoanîmo ranai mamîkarî-yomondühî asu ahamundî Godîmbo hohoanîmo ra moanane.

9 Nga ahei ranî hohoanîmo ra ngîrî adükarî tükündîfeyo, nga wanî. Munguambo nindou

ai hoeindihindani ahamundi hohoanimo ai mamikari-ndapurimboe sapo horombo Sanes weimbo Sambres ramefineandi nou.

Timoti ai Godindi hoafi nginindi kikihimbi-ramüdu-wamboane

¹⁰ Nga seana wandi yamundife, hahabodi marihandi asu wandi hoahoango ranahandi nimindi ra fifirowandühi süngumarowandi. Ro Godimbo anihondumbo-rihinühi ngorü nindoumbo afurthe hohoanimo-yahandüri asu nindoumbo ngusüfo pariheandürühi tñirifo tüküfeyowan moanane sa nginindi nimboa marihandi ra se fifirowandi.

¹¹ Sapo ro Andiok, Aikoniam asu Ristra ngoafihü nindou ai wambo moaruwaimbo-rhindirühi asübusi masehündi ra se fifirowandi. Ro rani ngoafihü tñirifo masahamindihiyosi, nga Adükari ai famarhendira aboedambo animboahi.

¹² Anihond-ane, munquambo nindou Sisas Kraisi dibo nimboadeimbo Godindi hohoanimo sünguarihindi ana, nindou ai aheimbo moaruwaimbo-ndihindürimboyei.

¹³ Nga nindou moaruwai Godindi hoafi fi yangiri süngurundeimbi ahamundi hohoanimo ranai ngo-ngombo moaruwai hamindindimboe. Ai nindou bidifiri-yei hohoanimo mamikari-rundürühanemo, nga asu ahamundi hohoanimo amboani mamikarapurü.

¹⁴ Ro sihambo hoafehanini, se hoafi himboriyafi mbura anihondumbo-arowandi rani yangiri süngundo ngafi. Hoafi ra anihond-ane,

sapo nindou düdi sihambo yamundi-marthinini ranaheimbo wudiþoaporo fifirowandüri.

¹⁵ Asu se fifirowandü sapo se nïmori akidouyafambe hafimbo sihambo hohoanimo aboedü saimbo Godindü hohoanimo paiaroweimbü buk ranï-boatei fifiriþmarowandü. Buk rananïmbo hohoanimo aboedü daganinani Sisas Kraisiþmbo anihondumbo-ndiworani asu God ai sihambo aboedambo-ndeaninimbui.

¹⁶ God ahandü bukambe hoafi ra weindahimareandü. Asu yamundiþfembo, moaruwai hohoanimo nafuimbo, hohoanimo didiboadoþfembo asu mbumundi hohoanimo süngufembo yamundiþfe-mbohündambo hoafi ra aboed-ane.

¹⁷ Rananïmbo nindou didiþyei Godindü hohoanimo sünguarihindi ranai aboedü ratüþuri ratüþuri-mbohünda ndorühi fifiriþhimboanei.

4

Timoti ai Godindü hoafi hoafiþmbo nginindi mbïnüngu-wamboane

¹ Sisas Kraisi ai weindahü kuduani asu ahandü nginindi hifandarandü ra tükündifeyoani ai yangiri niþboadeimbü asu yifiþyeimbü ra yibobondearümbui. Ahandü asu Godindü himboahü ndanahambo sihambo ahini hoafehanini.

² Se aboedü hoafi ra bokariþhefembo nginindi nimbafi. Nindou ai himborïndeianiþyo asu wanïndoaniþyo ra se bokandiþhao ndandi. Nindou ai ahei hohoanimo moaruwai hoeifembohünda hoafiþdafindüri. Ai moaruwai hohoanimo-ndeiani se nginindi hoafiþdafindüri. Ahei ngüsüfoambe kikiþmo-boadowandüri.

Hiniŋgĩrou hoafiŋdafĩndũrũhi wudiŋpoapondo yamundowandũri.

³ Hĩmboriyafi, sũngunambo ana nindou ai hoafi hondũ ranahambo hĩmboriŋkoateŋdeimboyei. Rananĩmbo ai nindou afĩndĩ aheimbo yamundiŋfe-ndũriŋmbo kokondiŋhũpurĩmboyei nĩnĩ hoafiyo ai hĩmboriŋmbo hohoanĩmoyeimbĩ ra yamundiŋfe-ndĩrũmbohũnda.

⁴ Rananĩmbo hoafi hondũ ra hiniŋgĩndĩhi hehi moanĩ hoafi yaŋgĩrĩ ra sũngundiŋhimboyei.

⁵ Nga se muŋguambo si wudiŋpoapondo hohoanĩmondafi se tiŋĩrĩfo ndowandiŋĩ asu nindoumbo aboedi hoafi ra wataporĩmboŋdandũri. Asu Godĩndĩ ratũpurĩ ra se anĩhondũmbo hamĩndĩ ratũpurĩndafi.

Por yifiŋmbo akĩm-ani

⁶ Wandĩ yaŋgĩrĩ nĩŋgo ra Godĩmbo sesi saimbo nahurai-ane, nga ndeara wandĩ yifiŋmbo ra akĩm-ane.

⁷ Ro aboedi hamĩndĩ yifiariya, yaŋgĩrĩ nĩŋgo semĩndĩmbo ra piŋpĩmayahi ranane ro piŋpĩ moendiŋfemboyo-wamĩ tũkũyaheandũhi wandĩ Godĩmbo anĩhondũmbofe ra kikiharihamĩndĩhi.

⁸ Hapoana napo piŋpĩambe horombofe hefe semĩndĩmbo ranai yaŋgorĩ hiŋfandarandi. Napo ranana ndahurai-ane. Adũkarĩ ai wambo mbumundi nindou mbũsũmbui. Adũkarĩ ai mbumundi hohoanĩmo sũngu nindou yiŋbobore arandi sapo ahandĩ adũkarĩ yiŋbobofe si ra tũkũndĩfeyoanĩ napo ra wambo ndendiŋĩmbui. Ai wambo yaŋgĩriyopoanĩ asendiŋri, nga nindou muŋguambo diŋdiŋyei ahambo weindahĩ

tükündifiyuanî hoeifimbo hîmboyeihî amarei ranaheimbo amboa.

Timoti ai nîmehünou Porîmbo sowana mbüsünü-wamboane

⁹ Se wambo sowana nîmehünou sînimbo tîñîrîfondafî.

¹⁰ Demas ai hîfîhündî hohoanîmo süngufembo afîndî hohoanîmoyuhü wambo hîningîreandîrî haya Tesaronaika ñgoafînambo mahu. Kresens ai Garasia hîfîna mahu asu Taitus ai Darmesia hîfînambo mahu.

¹¹ Asu Ruk mamî yangîr-ani ro-dîbo anüñgu, ranîmbo-anîmbo dügüfîhü Mak ndowarîndîfî dügüfî. Rananîmbo ai wandî ratüpurî ra farîhendîrî haya ratüpurîmbiyu-wamboane.

¹² Nga Titikusîmbo ana Efesusînambo koamarîhehina mahu.

¹³ Asu se asühüfî ana, wandî ñgîsîharî hoearî warî hoandarî Troas ñgoafîhü Karpusîndî worambe masîheheandî ra ndowandîfî dügüfî, asu buk amboanî kapeihî. Sapo buk nînîhondî hoearînambo nafîyoweimbi-mayo ra.

¹⁴ Areksander napo bras kapanambo nafîr-randeimbi ai wambo afîndî moaruwaimbo-mareandîrî. Ranîmbo-hünda süngunambo Adükarî ai sîmborî ahambo moaruwaimbo-mbîrir-amboane.

¹⁵ Nga se-amboanî nindou ranahambo-anîmbo hîbadambo. Nga ai-ani yîhoefî hoafî hîfînambore arandî.

¹⁶ Weangurühi ro kotambe sîmborî hoafîmayahî ra moai nindou didai-amboanî

farihendiri, nga munquambo nindou ai hiniŋgi-marihindiri. Nga God ai aheimbo amboawiyeyi mbeyahuamboane.

17 Asu Adükari ai ro-dibombo nungumbo ŋginindi masendira ro aboedi hoafi ra Suda-yafe ndifo ranaheimbo didiboaddondihe wataporimbo-ndihamboyahi. Raniyo God ai wambo nimambeahindi ninihondi raion yahamonindi humarhendiri.*

18 Mami rani-sungumboane Adükari ai wambo nindou moaruwaimbo-fembo hohoanimoayeyi ranambeahindi aboedambo-ndeandirimbui. Rananimbo ai sunambe ŋginindi hifandarandi ranambe aboedambo ndemündündiri gafumbui. Koadürümbo-koadürümbo ahambo aboed-animbisefimboane.

19 Asu se wandi hihifi hoafi Prisira weimbo Akwirambo asu Onesiforusindi worambeahindi aheimbo hoafindafi.

20 Erastus ai Korin ngoafihü awi mbanungu. Trofimus ai angünimbomayua Muretus ngoafihü hiniŋgimarhini.

21 Asu se wambo sowanambo sifombo tinjirifondafi ŋgisihari tüküfekoate-yoambe. Yuburus, Pudens, Rinus, Krodia asu munquambo anihondümbo-rihindeimbi ai shambo hihifi hoafi koararihihinini.

22 Adükari ai se-dibo mbiniungu-wamboane. Nga asu ahandi moani hipoambofe ai se-dibo mbeyangoro-wamboane.

* **4:17:** Nda kafoefe hoaf-ane. Raion ai nindou bidifiri mbura arandi. Kafoefe hoafi nimindi ra Porimbo tinjirifo tüküfefeyowa yifimbo yangirimayu, nga God ai ahambo mafarheira aboedambomefiyu.

Godind̩i Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 28 Dec 2024 from source files dated 31 Aug 2023

c500d379-d0cf-5c22-9613-91d7bcc63af3